

Գորգագործական մշակոյթը ուսումնասիրողների համար վիշապագորգերը միշտ էլ եղել են յատուկ ուշադրութեան առարկայ: Մասնաւորապէս՝ կարեւորուել ու կարեւորուում են դրանց գեղազարդման համակարգում եղած յորինուածքների իմաստաբանական մեկնաբանումները, վիշապի պատկերների ոճաւորումների ձեւերն ու մանաւանդ դրանց ծագման ժամանակաշրջանի ու տարածաշրջանների հետ կապուած հարցերը: Բոլոր դէպքերում այս տիպի գորգերը համարուել ու համարուում են գորգագործական մշակոյթի համակարգում արուած նկատելի ներդրում, իսկ դրանց ստեղծած հանրոյթին էլ՝ գորգագործական հնամենի ավանդոյթներ ստեղծող ու կրող:

Վիշապագորգերի բնորոշիչ ու գեղազարդման համակարգում առանցքային տեղ ու նշանակութիւն ունեցող տարրը վիշապի ոճաւորումն է, որը հանդէս է գալիս բազմաթիւ տարբերակների տեսքով (նկ. 1):

Հայոց գորգերի, այդ թւում՝ միջնադարին վերաբերող գորգերի ու գորգապատկերների գեղազարդման համակարգում լայնօրէն յայտնի է հայերէն մեծատառ «Տ»-ին նմանուող ու դրա բազմատեսակ տարբերակներով պատկերուող, այսպէս կոչուած, օձագալար զարդանախշը: Հայաստանի տարբեր պատմագագրական մարզերում արուած հետազօտութիւններից պարզուել է, որ դա առնչուում է օձի, ձկան ու ջրի հետ: Այսպէս, Վասպուրականում այն յայտնի է ջրեր, Լոռիում՝ ձկան ողնաշար անուանումներով:

Գամիրքում այդ պատկերը կոչում են օձի ձագ²: Ուստի, քննարկուող հարցի ուսումնասիրման տեսակէտից, անշուշտ, կարեւոր է առասպելական վիշապի էութեան ու դրսեւորումների բացայայտումը:

Ի՞նչ էր ներկայացնում առասպելական վիշապը հայոց ծիսապաշտամունքային համակարգում: Այս կապակցութեամբ բաւականին որոշակի են գրաւոր սկզբնաղբիւրների տեղեկութիւնները: Օրինակ՝ Եզնիկ Կողբացին, «Եղծ աղանդօցում» ներկայացնելով հայոց հին հաւատալիքներում առասպելական վիշապի տարբեր դրսեւորումներ, այնուամենայնիւ գտնում է, որ վիշապն ունի օձի էութիւն եւ որ վիշապ են կոչել մեծամարմին օձերին ու ձկներին³:

Այդ նոյնը հաղորդում են նաեւ ուրիշ պատմիչներ: Յովհաննէս Մանդակունին իր ճառերում խօսելով դրանց նոյնութեան մասին, եզրակացնում է՝ «վիշապ՝ որ է օձ»⁴: Շապուհ Բագրատունին իր հերթին գրում է. «Ձի օձին ձագին լաւ է սպանանել, որ ոչ վիշապանայ»⁵: Իսկ Մխիթար Այրիվանեցին էլ յիշատակում է վիշապական մասին. «Լինի անձրեւ քառասուն օր, եւ վիշապաձուկն մի ելանէ ի Կասբիական ծովէն եւ ուտէ ձկունս Կուր գետոյ»⁶: Այդպիսով, առասպելական վիշապը հայոց ժողովրդական հաւատալիքներում ընկալուում էր իբրեւ հսկայ մի օձ կամ չափազանց խոշոր ձուկ: Ուստի օձագալար պատկերն էլ, իր բոլոր տարբերակներով, նաեւ առասպելական վիշապի ոճաւորում է: Այն

հիմնականում մատուցուում է եզրագօտիներում⁷, սակայն կան գորգեր, որտեղ օձագալար պատկերը հիմնական յորինուածք է եւ, գորգադաշտում գրաւելով կենտրոնական տեղ, գեղազարդման համակարգում ստանում է առանցքային նշանակութիւն:

Այդօրինակ գորգերն էլ, ինչպէս արդէն նշեցինք, ընդունուած է տարբերակել «վիշապագորգ» անուանումով:

Մենք պարզել ենք, որ միջնադարեան հայոց մանրանկարներից երկուսում կան գորգապատկերներ, որոնց դաշտը ամբողջութեամբ գեղազարդուած է այդ նախշերի կանոնաւոր շարքերով: Դրանցից մէկի հեղինակը Ժ. Գ. Գ. նշանաւոր մանրանկարիչ Գրիգոր Մաղկոզն է, որն այն պատկերել է Թարգմանչաց աւետարանի «Աստուածամօր նինջը» մանրանկարում⁸: Այդտեղ սեղանին դրուած մահճում պատկերուած է Աստուածամայրը, իսկ սեղանի տակ էլ գորգ է փռուած: Գորգի դաշտը օձագալար պատկերների միջոցով բաժանուած է հաւասարաչափ ուղղանկիւնաձեւ շրջանակների, եւ այդ նոյն պատկերներով էլ յարդարուած է գորգի եզրագօտին:

Տուեալ դէպքում կարեւորելով մանրանկարի թեման՝ կարծում ենք, որ վիշապի ոճաւորումներով գորգի առկայութիւնն այդտեղ պատահական է: Ըստ երեւոյթին, դա հայոց բնորոշ հնամենի ծիսապաշտամունքային ավանդոյթների պատկերային դրսեւորումներից է: Աւելացնենք, որ այդ աւետարանը, ուսումնասիրողների կարծիքով, ստեղծուել է Կարինում⁹: Հետագայում դառնալով Արցախի Դոփեան իշխանական տան սեփականութիւնը՝ 1311 թ. պահուել է Խաղաբազումում¹⁰:

Օձագալար պատկերով գեղա-

զարդուած միւս գորգապատկերն Արցախի Մեծէն գիւղի նշանաւոր «Կարմիր» աւետարանի մանրանկարներից մէկում է: Այն ստեղծուել է աւելի վաղ՝ 1209 թ., Կոստանդնուպոլսում, իսկ 1236-1242 թթ., Գարեգին Յովսէփեանի ենթադրութեամբ, լրացուել է նշանաւոր մանրանկարիչ Իգնատիոսի մանրանկարներով¹¹: Իգնատիոսի նկարած գորգապատկերի ամբողջ դաշտը ծածկուած է վիշապի ոճաւորումների շարքերով, որոնք, սակայն, պատկերուած են իրար ազուցուած տեսքով եւ թողնում են անկանոն աշխատանքի տպաւորութիւն¹²: Օձագալար պատկերներով է գեղազարդուած նաեւ 1280-ական թթ. ստեղծուած Սմբատ Գունդստաբլի աւետարանի խորանազարդերից մէկի գորգապատկերը: Ընդ որում, այստեղի վիշապի ոճաւորումները գծային ձեւերով առաւել մօտ են դասական վիշապագորգերի եզրագօտիներում եղած համանման պատկերներին¹³:

Այսպիսով, ներկայացուած օրինակները վկայում են, որ միջնադարում հայոց բնորոշ գորգերի թւում եղել են այնպիսիք, որոնց գեղազարդման համակարգն ամբողջութեամբ եւ կամ դրա կառուցուածքային առանձին տարրերը բաղկացած են եղել վիշապի ոճաւորումների պատկերներով:

Ինչո՞վ կարելի է բացատրել այդ երեւոյթը: Արդեօ՞ք դա մի պատահական դրուագ է հայոց պատմա-մշակութային համակարգում:

Հայոց աւանդական հաւատալիքների ու բանահիւսութեան հետազօտութիւններից պարզուել է, որ առասպելական վիշապի պաշտամունքը հայոց մէջ ունեցել է հնամենի ավանդոյթներ ու բազմաբնոյթ դրսեւորումներ: Մասնաւորապէս՝ առասպելական վիշապի պատկերով քարակոթողները դրուել են ոռոգիչ համակարգե-

րի ակներին եւ ըստ այդմ էլ՝ ընդունուել են հրբեւ հովանաւոր ուժ, ջրի ու աղբիւրների պահապան, արգասաւորութեան ու պտղաբերութեան խորհրդանիշ¹⁴:

Ու թէեւ քրիստոնէութեան ընդունումից յետոյ հայոց աւանդական հաւատալիքների այլ կերպարների, տօների ու ծէսերի համակարգում արուեստին նոր կրօնին համապատասխան իմաստային վերափոխումներ, իսկ մի մասի պաշտամունքն էլ առհասարակ արգելուեց, այդուհանդերձ, վիշապի առասպելական կերպարը այնքան էր կարեւորուած հայոց աշխարհընկալման համակարգում, որ այն շարունակուում էր լայնօրէն դրսեւորուել մշակոյթի տարբեր ոլորտներում, այդ թւում՝ պատկերազրման ու մոնումենտալ արուեստի գործերում:

Հայաստանում առասպելական վիշապի վաղ պատկերազրումներն ու մասնաւորապէս՝ վերը յիշատակուած կոթողները թուագրուում են դեռեւս մ.թ.ա. 7-9. հազ.: Վիշապապատկերների ոճաւորումներ կան այդ ժամանակաշրջաններին վերաբերող խեցեղէնի¹⁵, Բ.-Ա. հազ. բրոնզէ գէնքերի¹⁶ ու գործուածքի¹⁷ վրայ: Այդ աւանդոյթը, բնականաբար, շարունակուել է նաեւ հետագայ դարաշրջանների հայոց կիրառական-գեղազարդման արուեստում, ըստ այդմ՝ նաեւ գորգարուեստում¹⁸:

Վիշապազորգերի դասական օրինակներ են համարուում ԺԵ.-ԺԸ. դդ. թուագրուող նմոյշները, որոնց գեղազարդման համակարգը բնորոշուում է առասպելական վիշապի ոճաւորուած պատկերներով, պսակաւոր, բացուած թերթերով խոշոր բուսանախշերով, ինչպէս նաեւ ճառագայթազարդ վարդակներով (նկ. 2): Դրանք միմեանցից բացազատուած են լինում բարդ զարդանախշերից կազմուած գունաժապաւէններով, որոնք, իրար հետ

հատուելով, գորգադաշտում, յօրինուածքների շուրջը, առաջացում են շեղանկիւնաձեւ ուրուագծով շրջանակներ¹⁹:

Դասական վիշապազորգերն իրենց հերթին բաժանուում են մի քանի տարբերակի: Դրանք առանձնանում են վիշապի ոճաւորման ձեւերով: Հիմնականը համարելով վերոյիշեալը՝ մենք այդ առնչութեամբ, որպէս ելակէտային նմոյշ, կարեւորում ենք նաեւ 1680 թ. գործուած, հայալեզու արձանագրութեամբ («Ես Գուհարս, մեղօք լի, հոգով տկար, էս նորահաս ձեռամբ գործեցի, ով տեսնի, մեկ բերան օղորմի ասի»), գործողի անունով «Գուհար» կոչուած գորգը²⁰: Դրա գեղազարդման համակարգում վիշապի ոճաւորումները պատկերուած են զոյգերով, ստորին մասում միմեանց կցուած, իսկ վերին մասերն իրարից հեռացած: Ընդհանուր առմամբ, այդ ամբողջութիւնը ունենում է քնարաձեւ տեսք:

Դասական վիշապազորգերի մի քանի նմոյշ պահուում է Հայաստանի թանգարաններում, այդ թւում մէկը՝ Ազգագրութեան պետական թանգարանում²¹:

Ընդհանուր առմամբ, դասական վիշապազորգերը, որոնք աչքի էին ընկնում առաջին հերթին իրենց մոնումենտալութեամբ ու նաեւ խոշոր չափերով, հիմնականում վերաբերում են ԺՁ.-ԺԸ. դդ.:

Ինչո՞վ բացատրել այս պարագան:

Բանն այն է, որ գորգն ի սկզբանէ ծիսապաշտամունքային առարկայ էր, հետագայում՝ վերնախաւային ու հասու էէր հանրոյթի լայն շերտերին: Գորգեր գործում էին արքունիքին, իշխանական տներին ու վանական համալիրներին կից եղած յատուկ գործատներում, հիմնականում իրենց կարիքների համար²²: Այս մասին են վկայում մի շարք կողմնակի սկզբնաղբիւրներ:

Օրինակ՝ յայտնի է, որ Աշոտ Բագրատունու կինը՝ Կատրամիդէ թագուհին, 980-ական թթ. Անիի Ս. Կաթողիկէ եկեղեցին զարդարել է «ի ծիրանածաղկի ոսկեթել նկարագործ անկուածոց եւ ոսկեղէն անօթոց եւ բազմապայծառ լուսատու անօթոց վայելչութեամբ»²³: Իսկ Հաթերքի Վախթանգ իշխանի կին Արզուխաթունը Գետիկի եւ Հաղպատի վանքերին, Մակարավանքին եւ Դաղիվանքին է նուիրում իր եւ իր դուստրերի գործած վարագոյրները²⁴: Հաւանաբար այդ ու համանման այլ տեղեկութիւնների հիման վրայ էլ ակադեմիկոս Յակոբ Մանանդեանը կարծիք է յայտնել, որ այդօրինակ գործատներում ի շարս արհեստաւորների աշխատել են նաեւ ազնուականական ընտանիքների անդամներ²⁵: Նկատենք, որ այդ երեւոյթը առհասարակ բնորոշ էր բնափակ տնտեսութիւն վարող աւատատիրական տներին, այդ թւում նաեւ՝ Հայաստանի հարեւան երկրներում: Մասնաւորապէս՝ Բիւզանդիայում եւ Արաբական խալիֆաթում գոյութիւն ունէին գործուածքի, ոսկերչութեան եւ այլ արքունական արհեստանոցներ, որոնք վերահսկուում էին յատուկ վերակացուների կողմից եւ իրենց արտադրանքով սպասարկում էին արքունիքի պահանջները²⁶: Այս առումով էլ միանգամայն տրամաբանական է, որ այդ աւանդոյթը հետագայում շարունակուում էր Արցախի մեծիքների կանանց կենցաղում, որոնք «թեզիկով թել էին մանում, ասեղնագործում, քսակ եւ գործուածքներ շինում»²⁷: Յատուկ գործատների գոյութիւնը պայմանաւորուած է եղել նաեւ գորգերի անհրաժեշտ հումքի՝ թելերի ու ներկանիւթերի ձեռքբերման, գործելու տեխնոլոգիայի եւ տեխնիկայի հետ կապուած խնդիրներով: Բանն այն է, որ գորգերի արտադրանքը նախ եւ առաջ պահանջում

էր բրդի, բամբակի, ներկանիւթերի զգալի պաշարներ՝ մի բան, որն ի վիճակի էին ապահովելու խոշոր սեփականատէրերը՝ արքունիքը, մեծատուններն ու խոշոր վանքային համալիրները: Բարձրորակ, շուկայում գնողունակութիւն վայելող գորգերի արտադրման ասպարէզում, անտարակոյս, անհրաժեշտ էին նկարիչներ, հմուտ գործող վարպետներ, իսկ խոշոր գորգեր գործելու համար՝ ընդարձակ, լուսաւոր շինութիւններ, մեծ տորքեր: Այս բոլորի համար պահանջուում էին որակեալ աշխատուժ ու նիւթական զգալի միջոցներ²⁸: ԺԹ.-Ի. դդ. վերաբերող դաշտային ազգագրական նիւթերը նոյնպէս մատնանշում են գորգ գործելու ասպարէզում նիւթական հնարաւորութիւնների առաջնահերթ նշանակութիւնը:

Մենք ենթադրում ենք, որ դասական վիշապազորգերը գործել են այդօրինակ արհեստանոց-գործատներում: Դրանց գեղազարդման ու գունային կատարեալ ու կանոնակարգուած համակարգը, մեծ չափերն ու մի քանի դար շարունակ համեմատաբար կայուն չափանիշերի պահանջուելը՝ դրա վկայութիւնն են հանդիսանում: Հիմք ընդունելով վերը շարադրուածները՝ կարող ենք եզրակացնել, որ, ԺԹ. դ. սկսած, դասական վիշապազորգերի բացակայութիւնը պէտք է բացատրել գորգերի արհեստանոցային կամ մանուֆակտուրային արտադրութեան անկման հետ այնքանով, որքանով որ նշուած դարակազմից Արցախում դադարում են գոյութիւն ունենալ մեծիքական տները:

Մենք մի առիթով նշել ենք, որ արհեստանոցային գորգագործութեան հետ միասին Հայաստանում գոյութիւն է ունեցել նաեւ տնայնագործական գորգագործութիւն²⁹: Տնայնագործական եւ արհեստանոցային գորգագործութեան հիմնական տարբերութիւններից մէկն էլ

դրանց տեխնիկա-տեխնոլոգիական յագեցուածութեան մակարդակն էր, որը պայմանաւորուած էր վերջիններիս տնտեսական անհամեմատ բարձր ապահովուածութեամբ:

Այսքանով հանդերձ, գորգագործութեան տնայնագործական եւ արհեստանոցային ձեւերը գտնուում էին սերտ փոխազդեցութեան մէջ: Գործատեւերի նկարիչների էսքիզներով գործուած գորգերի գեղազարդման մանրամասներն ու համակարգերը տարածուած էին գտնուած տնայնագործների մէջ, որոնք էլ դրանք վերարտադրում էին իրենց պատկերացումներին բնորոշ գունային ու գեղազարդման մանրամասների յաւելումներով: Ընդամին, սրանով ենք պայմանաւորում գորգի, այդ թւում՝ վիշապագորգի միեւնոյն տիպի բազմաթիւ տարբերակների առաջացումը: Այս վերջիններս, բնականաբար, բնորոշուած են չափերի փոքրութեամբ, յորինուածքների ազատ մատուցմամբ ու կանոնակարգուած չափանիշների բացակայութեամբ: Միաժամանակ, գորգադաշտի գեղազարդման համակարգը լրացուած էր հայոց աւանդական պատկերացումներին առնչուող նախշերով, զարդերով, պատկերների ոճաւորումներով ու գունային ինքնատիպ լուծումներով: Յամենայնդէպս, այդպիսիք են մեզ հասած ուշ վիշապագորգերը:

Բայց խնդրոյ առարկայի առումով մասնաւորապէս կարեւոր է այն, որ տնայնագործութիւնը պայմանաւորուած չէր արքունիքի ու իշխանական տների գոյութեամբ, եւ, բացի այդ էլ, մի գորգագործական կենտրոնում ձեւաւորուած աւանդոյթներն էլ բնակչութեան տեղաշարժերի, բռնագաղթների ու այլ ճանապարհներով հեշտութեամբ տարածուած էին հայոց մշակութային տարածքում:

Ընդհանուր առմամբ, ուշ միջնադար-

րին, նաեւ ԺԹ.-ի. դդ. վերաբերող հայկական գորգերի հետազոտումից մեզ յաջողուել է բացայայտել ոճաւորուած վիշապապատկերի տարբերակներով բնորոշուող գորգերի շուրջ տասը տիպ:

Նկատի ունենալով գորգերի այս խմբի նկատմամբ եղած բուռն հետաքրքրութիւնն ու տեսակէտերի իրարամերձ լինելը՝ մենք կը փորձենք հնարաւորինս մանրամասն քննարկել բոլոր այդ տիպերին առնչուող յորինուածքային ու մանաւանդ՝ ծագումնաբանական հիմնահարցերը:

Այս ոլորտում առաւել վիճայարոյց են ծագման տարածաշրջանների հետ կապուած հարցերը: Ուսումնասիրողների մի մասը (Յ. Մարտին, Յ. Գանցհոռն, Մ. Էյլանդ եւ այլք) այն վերագրում է պատմական Հայաստանին, թէեւ տարակարծութիւններ կան որոշակի շրջանների վերաբերեալ³⁰: Մի խումբ ուսումնասիրողներ էլ (Ա. Ուֆամ-Պոպ, Յ. Օրենդի, Կ. Էրդման, Շ. Ետկին եւ այլք) գտնում են, որ վիշապագորգերի աւանդոյթը Կովկաս եւ Հայաստան է ներթափանցել սելջուկ-մոնղոլական արշաւանքների շնորհիւ, եւ որ դրանք ունեն չին-մոնղոլական ծագում³¹:

Արդեւ ջանցի գորգագէտ Լեաթիֆ Քերիմովն այս կապակցութեամբ ունի իւրայատուկ տեսակէտ: Նա այդ տիպի գորգերի հիմնական յորինուածք է տեսնում վարդակներն ու բուսանախշ՝ արաբականները: Այնուհետեւ, նկատի ունենալով այդ զարդանախշերի պարսկարաբական «խաթայի» անուանումը, վիշապագորգերն էլ անուանում է «խաթայի» ու տեղայնացնում Ատրպատականում, աւելի կոնկրետ՝ Թաւրիզի շրջակայքում³²:

Կան այս տեսակէտին յարող ուրիշ

ուսումնասիրողներ եւս, որոնք, համեմատութեան եզրեր որոնելով բուսանախշ խոշոր յորինուածքներով բնորոշուող պարսկական «Հերիզ» տիպի գորգերի եւ դասական վիշապագորգերի միջեւ ու այդ առումով նկատի ունենալով այդ երկու խմբերին պատկանող գորգերի գեղազարդմանը բնորոշ խոշոր վարդակները, վերջիններիս ծագման վայր են ընդունում Իրանի հիւսիսարեւմտեան գորգագործական կենտրոնները, մասնաւորապէս՝ Թաւրիզ-Արդեբիլ տարածաշրջանը³³:

Աւարտելով հարցի շուրջ եղած իրավիճակի հակիրճ բնութագրումը՝ հարկ է միայն ընդգծել, որ այս վերջին դէպքում, փաստօրէն, հիմնական ելակէտ են ընդունուած խնդրոյ առարկայ գորգերի գեղազարդման համակարգում եղած վարդակները: Մինչդեռ վիշապագորգերի գեղազարդման համակարգում դրանք երկրորդական տարրեր են ու, որպէս այդպիսիք, չեն կարող այդ գորգերի ծագումնաբանութեան բացայայտման հարցում կարեւոր դեր ունենալ:

Հայաստանի թանգարաններում, մասնաւորապէս՝ Ազգագրութեան պետական թանգարանում պահուող դասական վիշապագորգերի ու դրանց տարբերակների եւ գորգագործական մի շարք տարածաշրջաններում մեր ուսումնասիրութիւնները հնարաւորութիւն են ընձեռում մեզ նոյնպէս անդրադառնալ գորգերի այդ խմբի ծագմանն ու տարածաշրջաններին առնչուող խնդիրներին:

Նկատի ունենալով, որ վերը նշուած բոլոր տեսակէտերի վերաբերեալ կան բազմաթիւ ուսումնասիրութիւններ ու մեկնաբանութիւններ՝ հարկ չենք համարում անդրադառնալ դրանց մանրամասն քննութեանը, բայց եւ աւելորդ չենք համարում նշել, որ ըստ այդ կարծիքների՝ վիշապագորգերի ծագման ու դրանց գոր-

ծելու տարածաշրջանների թւում յաճախակի յիշատակուած են պատմական Հայաստանի հիւսիսարեւմտեան, արեւելեան եւ հիւսիսարեւելեան շրջանները, ինչպէս նաեւ պատմական Փոքր Հայքը (Սեբաստիան եւ շրջակայ գաւառները)³⁴: Առհասարակ, բոլոր ուսումնասիրողներն էլ վիշապագորգերի առնչութեամբ, անկախ դրանց ծագման վերաբերեալ ունեցած կարծիքներից, այս կամ այն չափով կարեւորել են Արցախը եւ Սիւնիքը: Դասական վիշապագորգերը, որոշ տարակարծութիւններով հանդերձ, ընդհանուր առմամբ, թուագրուած են ԺԳ.-ԺԸ. դդ.³⁵:

Ուսումնասիրողներից շատերը անտեսելով գորգագործական մշակոյթի վաղ աւանդոյթների գոյութիւնը մատնանշող սկզբնաղբիւրների վկայութիւնները՝ Հայաստանում գորգագործական մշակոյթի ծագումը կապում են սելջուկների ներթափանցումների հետ ու թուագրում ԺԲ.-ԺԳ. դդ.³⁶: Ուստի հայոց գորգագործական մշակոյթի ուսումնասիրման, դրա ամբողջական պատմութեան վերհանման տեսակէտից առաւել եւս կարեւորում ենք վիշապագորգերի ծագումնաբանութեան հարցը:

Այս առումով մենք կարեւորում ենք յատկապէս պատկերային սկզբնաղբիւրները, որոնք, կոնկրետ թուագրում ունենալուց զատ, պատկերացում են տալիս նաեւ գորգի գեղազարդման ընդհանուր համակարգի, իսկ յաճախ նաեւ՝ առանձին մանրամասների ու գունային երանգների մասին:

Ըստ այդմ՝ առանձնայատուկ է հայոց մանրանկարչութիւնը, որին մենք արդէն մասնակի անդրադարձել ենք՝ ԺԳ.-ԺԴ. դդ. վերաբերող վերը բերուած վիշապի ոճաւորումներով գեղազարդուած երկու գորգապատկերով:

Շատ աւելի ուշագրաւ համեմատական տուեալներ ենք յայտնաբերել ժԱ. դ. կէսերին վերաբերող մանրանկարներում³⁷:

Հետազօտելով դասական՝ ժԶ.-ժԸ. դդ. թուագրուող վիշապագորգերի եզրագօտիներին բնորոշ գարդանախշերը՝ պարզել ենք, որ դրանք բնորոշ են նաեւ ժԱ.-ժԳ. դդ. ստեղծուած մանրանկարներին: Մասնաւորապէս՝ կեոխաչ, զիգզագ զարդերով ու ոճաւորուած վիշապապատկերներով են գեղազարդուած Անիի մերձակայ վանական համալիրներից մէկում 1053 թ. ստեղծուած Աւետարանի մանրանկարների եզրագօտիները: Դրանց թոււմ յատկապէս կարեւորում ենք Մարկոս եւ Ղուկաս աւետարանիչներին պատկերող մանրանկարների եզրագօտիները, որոնք գեղազարդուած են իրար կցուած ոճաւորուած վիշապապատկերներով, որոնք էլ հետագայում, ժԶ.-ժԷ. դդ. ու դրանից յետոյ էլ, չափազանց բնորոշ էին դասական վիշապագորգերին³⁸: Վիշապի ոճաւորումներով է գեղազարդուած նաեւ վերը ներկայացուած Թարգմանչաց աւետարանի «Աստուածամօր նինջը» մանրանկարում պատկերուած գորգը³⁹:

Նկատի ունենալով վիշապի ծիսապաշտամունքային կերպարի առանձնատուկ տեղը հայոց նախաքրիստոնէական հաւատալիքներում եւ առհասարակ պատկերազրական արուեստում⁴⁰ պատահական չպէտք է համարել վիշապի ոճաւորումների առկայութիւնը հայոց մանրանկարչութեան մէջ, մանաւանդ որ սա այն բնագաւառն է, որն առաւել պահպանողական է օտարամուտ ազդեցութիւնների նկատմամբ:

Վերը յիշատակուած Հայաստանի հնագիտական բնակատեղիներից յայտնաբերուած նիւթերի ընձեռած վկայութիւններն ու գրաւոր աղբիւրներում տեղ գտած խնդրոյ առարկային վերաբե-

րող տուեալները ակնյայտօրէն վերաբերում են ժԱ.-ժԲ. դդ. նախորդած հարիւրամեակներին: Այդ ամէնն ու մանրանկարներում ներկայացուած վիշապագորգերի գեղազարդման համակարգի կատարելութիւնը հնարաւորութիւն են տալիս վստահօրէն ենթադրել, որ այս ասպարէզում կային հաստատուած աւանդոյթներ, որոնք կը ձեւաւորուէին միայն պատմական տեւական ժամանակահատուածում, ազգային մշակոյթին քաջածանօթ գորգագործ-նկարիչների սերունդների ստեղծագործ աշխատանքով:

Ուստի, ամփոփելով ասուածը եւ հիմնուելով վերոյիշեալ փաստարկների վրայ, կարող ենք եզրակացնել, որ Հայաստանում վիշապագորգերի աւանդոյթը գոյութիւն ունէր մինչ ժԱ. դ., այսինքն՝ նախքան սելջուկների ու թուրքմենական այլ ցեղերի մուտքը Հայկական լեռնաշխարհ:

Վիշապագորգերի ծագումնաբանութեան վերաբերեալ մեր այս տեսակէտը հիմնաւորելու համար նշանակալից դերակատարում ունեն նաեւ վերը յիշատակուած դրանց ուշ տարբերակները:

Այս առումով հարկ է կրկին շեշտել, որ, վիշապագորգեր ասելով, ընդունուած են այն գորգերը, որոնց գեղազարդման համակարգում առանցքային են դասական վիշապագորգերին բնորոշ վիշապապատկերների տարբերակներն ու դրանց ոճաւորումները, մանաւանդ որ այդ պատկերներով է պայմանաւորուած գորգերի այդ խմբին տրուած անուանումը:

Մեզ յայտնի ուշ վիշապագորգերը բաժանել ենք երեք խմբի եւ դրանցով տարանջատել համապատասխան տիպեր ու տարբերակներ: Այդ առումով էլ ելակէտ ենք ընդունել վիշապի ոճաւորումների պատկերազրման ու դրա ներկայաց-

ման ձեւը: Ըստ այդմ՝ իբրեւ այդ խմբերի հիմնական բնորոշիչներ մենք համարում ենք՝

ա. դասական վիշապագորգերին բնորոշ վերը բերուած վիշապապատկերը (նկ. 2).

բ. Գուռար գորգի գեղազարդման մէջ եղած վիշապի զոյգ ոճաւորումներից կազմուած քնարածեւ յօրինուածքը.

գ. դասական վիշապագորգերին բնորոշ ճառագայթազարդ վարդակի⁴¹ ու Գուռար գորգին բնորոշ քնարածեւ յօրինուածքի համադրումը:

Ստորեւ փորձել ենք դրանք ներկայացնել համապատասխան խմբերով՝ ներառելով նաեւ դրանցում ընդգրկուած տարբերակներն ու նաեւ դրանց տարածման արէալները:

1. «Ջրաբերդ» գորգերի խումբ.

Մեզ յայտնի է այս խմբին բնորոշող ճառագայթազարդ յօրինուածքով ու դրա տարբերակներով գեղազարդուած գորգի չորս տիպ: Սակայն դրանցից միայն մէկում է, որ կան նաեւ վիշապապատկերների ոճաւորումներ: Ուստի այստեղ կը խօսենք միայն խնդրոյ առարկային վերաբերող տիպի մասին: Այն բնորոշուած է ճառագայթազարդ մէկ կամ մի քանի յօրինուածքով եւ այն երկու կողմից երկող վիշապի երկուական, իրար կցուած ոճաւորումներից կազմուած քնարածեւ պատկերով: Վերջինիս համար տիպական ենք համարում Գուռար գորգի գեղազարդման համակարգում պատկերուածը⁴²: Ճառագայթազարդ յօրինուածքով ու վիշապի այդօրինակ ոճաւորումներով գեղազարդուած դասական վիշապագորգի վաղ նմոյշները, ինչպէս վերնասուեց, թուագրուած են ժԵ.-ժԶ. դդ.⁴³:

Մենք գտնում ենք, որ այս տիպի վիշապագորգերին է առնչուած նաեւ 1202

թ. գործուած յայտնի Եռախորան գորգը: Դա դիտարկուած է գորգադաշտի վերին հատուածի գեղազարդման համակարգում, ուր պատկերուած է վիշապագորգերին բնորոշ մի ճառագայթազարդ յօրինուածք, իսկ դրա երկու կողմում էլ կայ վիշապի մէկական ոճաւորում⁴⁴: Ըստ որում, կարծում ենք, որ այս վերջինները վիշապի ոճաւորման առաւել հնամենի տարբերակի արտայայտութիւնն են: Ջրաբերդ տիպին պատկանող գորգերի գործման հիմնական տարածաշրջանները, ինչպէս յայտնի է, համարուած են Արցախը եւ Սիւնիքը⁴⁵: Հարկ է նշել, որ այդ տիպի գորգերը Հայաստանի վերոյիշեալ պատմաազգագրական մարզերի գորգագործական կենտրոններում յայտնի են Չալաբերդ, Չելաբերդ, Չարաբերդ եւ նմանատիպ այլ անուանումներով, որոնք բոլորն էլ Արցախի Ջրաբերդ գաւառի անուանման ձեւերն են: Ընդ որում, այդ գորգագործական կենտրոնին է վերաբերում նաեւ Եռախորան գորգը:

«Եռախորան» գորգը, որն ունի ընդարձակ հայատառ, թուակիր արձանագրութիւն, ուր յիշատակուած է նաեւ դրա ստեղծման վայրը՝ Հիւսիսային Արցախի Բանանց գիւղը: Այդ ամէնը հաշուի առնելով է, որ այդ տիպի գորգերի անուանման համար նպատակայարմար ենք գտել հէնց Ջրաբերդ տեղմինը: Ընդ որում, այդ տիպին բնորոշող ճառագայթազարդ յօրինուածքն էլ յարմար ենք գտնում կոչել Ջրաբերդ յօրինուածք:

Ջրաբերդ տիպի վիշապագորգեր աւանդաբար գործել են նաեւ Գեղարքունիքում, Լոռիում, մասամբ նաեւ Այսրկովկասի հիւսիսարեւելեան գորգագործական կենտրոններում եւ Ղարաղաղում:

2. «Գուռար» գորգերի խումբ

Այս խմբին պատկանում են մի քա-

նի տիպեր, որոնց գեղազարդման համակարգում առանցքային են Գուռար գորգին բնորոշ գոյգ վիշապապատկերների ոճաւորումներից կազմուած քնարածեւ ուրուագծով յօրինուածքը: Ի դէպ, հէնց դրանով էլ պայմանաւորուած է այս խմբին Գուռար կոչելը: Այս թուակիր, հայատառ արձանագրութեամբ գորգի նշանակութիւնը հայոց գորգագործական մշակոյթի ուսումնասիրման գործում մենք յատկապէս կարեւորում ենք, քանի որ այն, փաստօրէն, դասական եւ ուշ վիշապագորգերին կապող հանգոյց է, որին այս կամ այն չափով աղերսուում է դրանց մեծ մասը: Բնականաբար, խնդրոյ առարկայի համար նշանակալից է դրա ծագման տարածաշրջանի հարցը: Ուսումնասիրողներից ոմանք ենթադրում են, որ 1680 թ. գործուած այդ գորգը գործել են պատմական Հայաստանի Վասպուրական նահանգի գորգագործական կենտրոններից մէկում, ոմանք էլ՝ Արցախում⁴⁶: Մեր հետազօտութիւնները թոյլ են տալիս նշել, որ այս գորգը գործուել է Արցախ-Սիւնիք տարածքի գորգագործական կենտրոններում, աւելի կոնկրետ՝ Վարանդա-Սիսական գաւառներում: Մեր այս տեսակէտի համար հիմք են ծառայում մի քանի փաստարկներ: Դրանց շարքում մենք առաջնային ենք համարում արձանագրութեան ոճը, մասնաւորապէս՝ «ով կարգա, մեկ բերան օղորմի ասի» բանաձեւը, որը մեր պրպտումների համաձայն՝ առաւելապէս բնորոշ էր նշուած տարածաշրջաններին: Ընդ որում, այն յատկապէս ընդունուած էր իբրեւ տապանաքարերի մակագրութիւն եւ բազմիցս հանդիպում է Արցախի եւ Սիւնիքի բոլոր գաւառներում, մասնաւորապէս՝ Վարանդայի, Դիզակի, Սիսականի ուշ միջնադարեան գերեզմանոցներում⁴⁷: Տարածաշրջանում ընդունուած է նաեւ Գուռար

անձնանուան Գուռար տարբերակը:

Վիշապագորգերի այս խմբին ենք դասում ներքոյիշեալ տիպերին պատկանող գորգերը.

ա. Գուռար: Այս տիպի գորգերի գեղազարդման համակարգում առանցքային տարրը «Գուհար» գորգի քնարածեւ յօրինուածքն է: Նկատի ունենալով, որ առհասարակ այդ տիպի գորգերին են առաւելապէս բնորոշ Գուռար գորգի գեղազարդման համակարգի հիմնական տարրերը՝ նպատակայարմար ենք գտնում դրանք տարբերակել հէնց Գուռար անուանումով:

Ուսումնասիրողներին յայտնի է, որ այս տիպի գորգերը առաւելապէս բնորոշ են Արցախ-Սիւնիք գորգագործական տարածաշրջանին⁴⁸: Բայց դրա տարբերակները գործել են նաեւ Տաւուշում, Ուտիքում, Շաքի-Շամախի տարածաշրջանի, ինչպէս նաեւ Իրանի հիւսիսարեւմտեան գորգագործական կենտրոններում: Այս վերջիններս յայտնի են «Կարաջա» անունով եւ վերաբերում են Ղարադաղում բնակուող համանուն, նախկինում քոչուորական կենսաձեւ վարող ցեղին:

բ. Սիսական: Այս տիպին պատկանող գորգերի գեղազարդման հիմնական տարրը Գուռար գորգին բնորոշ վիշապի ոճաւորումն է, որը ներկայացուում է մէկ կամ մի քանի շարքով: Այս դէպքում վիշապի ոճաւորումները ունենում են աղեղնաձեւ տեսք, պատկերում են դէմ-դիմաց, ասիմետրիկ դիրքով, ծայրերը միմեանց հակոտնեայ, բայց սովորաբար իրարից անջատ (նկ. 4): Դրանց արանքում լինում է բազմանիստ կեռիկազարդ շրջանակ՝ լրացուած բազմաթերթ վարդակով կամ նմանատիպ այլ յօրինուածքով: Այդ ամբողջութիւնը յայտնի է մի քանի տարբերակների տեսքով: Յօրինուածքները կարող են լինել երկրաչափականացուած,

պատկերուել մի քանի շարքով, լրացուել տարաբնոյթ մանրամասներով: Հայաստանի Ազգագրութեան թանգարանի գիտաշխատողների դաշտային հետազօտութիւնները բացայայտել են դրանց տարածման հիմնական արէալները, որոնց թւում են Արցախը, Սիւնիքը եւ Ուտիքը, այլ խօսքով՝ Արցախին յարակից գորգագործական կենտրոնները: Ընդ որում, մեզ յայտնի դրա բոլոր տարբերակներն էլ բնորոշ են Սիւնեաց նահանգի Սիսական պատմական գաւառի գորգագործական կենտրոններին: Այս գորգերը յայտնի են նաեւ Ղուբա-Շաքի-Շիրուան գորգագործական տարածաշրջանում եւ բնորոշում են միայն գուռային ու տեխնիկական առանձնայատկութիւններով⁴⁹: Մասնագիտական շրջաններին լայնօրէն յայտնի է նաեւ Լենքորան-Աստարա թալիշաբնակ (իրանալեզու) տարածքը⁵⁰: Ընդ որում, այս տիպի գորգերը ուսումնասիրողներն ու վաճառականները տարբերակում են հէնց Լենքորան անունով⁵¹: Բայց նկատի ունենալով վերոյիշեալն ու մանաւանդ՝ այս խմբին պատկանող բոլոր տիպերի ու տարբերակների բնորոշ լինելը Սիսականի գորգագործական կենտրոնին՝ այս տիպի համար առաջարկում ենք Սիսական անուանումը:

գ. Մասնացոտն: Այս գորգերի գեղազարդման համակարգում առանցքային է «Գուհարին» բնորոշ կենտրոնական վարդակը եւ վիշապի գոյգ ոճաւորումներն այդ վարդակի գագաթներին⁵²: Տարածման հիմնական արէալները Ուտիքը, Արցախը եւ Սիւնիքն են, ինչպէս նաեւ Սեւանի աւազանը: Մեր դաշտային հետազօտութիւնները վկայում են, որ այդպիսի գորգեր գործել են նաեւ Մասիսի շրջակայ գորգագործական կենտրոններում, յատկապէս՝ Մասեացոտնում ու Բագրեւանդում, ինչպէս նաեւ Վասպու-

րականի հիւսիսարեւելեան գաւառներում: Ընդ որում, գորգագործական այդ կենտրոններին վերաբերող նմոշների գեղազարդման համակարգին բնորոշ են աւելի աւանդական յատկանիշեր, մասնաւորապէս՝ վարդակի ու վիշապի պատկերագրման համեմատաբար պարզունակ ձեւեր, որոնք, վկայում են դրանց հնամենի լինելն ու ձեւաւորման տեղական ակունքների առկայութիւնը: Այլ խօսքով՝ մենք հակուած ենք ենթադրելու, որ վիշապագորգերի այս տիպի ակունքները հաւանաբար հէնց այս գորգագործական կենտրոններում է: Նկատի ունենալով այդ առիթը՝ այս տիպի գորգերը նպատակայարմար ենք գտնում այդ տարածաշրջանի՝ պատմական Մասեացոտն գաւառի անունով կոչել Մասեացոտն:

դ. Գարդման: Գուհարեան խմբին ենք դասում նաեւ գորգերի մի տիպ, որում վիշապի ոճաւորումները կորուստ են՝ ծայրերն իրար ուղղուած, իսկ վարդակները՝ երկայնաձիգ շրջանակներում: Դրանք սովորաբար լրացուած են կենդանակերպ այլ ոճաւորումներով եւ բուսանախշերով⁵³: Այս տիպի գորգերի վաղ նմոշները յայտնի են Ժէ. դ.⁵⁴: Սոյն տիպը համեմատաբար քիչ է տարածուած, եւ եղած նմոշներն էլ վերաբերում են Արցախին եւ Ուտիքին, մասնաւորապէս՝ Գարդմանին: Գուռային լուծումներով, գեղազարդման համակարգի մանրամասների հարստութեամբ ու ինքնատիպութեամբ այս տիպը առանձնայատուկ տեղ ունի հայոց գորգագործական մշակոյթում: Նկատի ունենալով տարածման հիմնական շրջանը՝ նպատակայարմար ենք գտնում այս գորգերի տարբերակման համար շրջանառութեան մէջ ներդնել Գարդման անուանումը: Այս տիպի գորգերն առաջարկում ենք տարբերակել Գարդման անուանմամբ:

3. «ԽԱՃՈՐԵԱԿ» գորգերի խումբ

Վիշապագորգերի ուշ տիպերին պատկանող երրորդ խմբին բնորոշ վիշապի ոճաւորումները համեմատաբար պարզ են: Ընդ որում, մասնագիտական գրականութեան մէջ այն յայտնի է նաեւ ամպստապաւէն անունով⁵⁵: Վերջիններս թէեւ խիստ գծայնացուած են, այնուամենայնիւ ձեւով ու ընդհանուր ուրուագծով աղերսւում են վիշապի դասական ոճաւորումներին: Ուսումնասիրողներն ու առեւտրականները մեծ մասամբ այս յորինուածքով գեղազարդուած գորգերը տարբերակում են ԽԱՃՈՐԵԱԿ անուանումով: Նկատի ունենալով այս հանգամանքը՝ մենք էլ յարմար ենք գտնում խմբին նոյնպէս տալ այդ անուանումը:

ա. ԽԱՃՈՐԵԱԿ: Սրանց գեղազարդման համակարգի հիմնական յորինուածքը կազմուած է արեւի կամ յաւերժութեան խորհրդանիշ զարդից (կեռխաչ, աստղազարդ եւ այլն) եւ այն պարփակող վիշապի ութ ոճաւորուած պատկերից (նկ. 6): Պատկերազրման այս համակարգում արտացոլուած է բարու եւ չարի հակամարտութեան թեման, ուր բարու յաղթանակը խորհրդանշում է կեռխաչերից սկիզբ առնող կենաց ծառի նախշը⁵⁶: Այս տիպը առաւելապէս բնորոշ է Արցախի եւ Սիւնիքի գորգագործական կենտրոններին ու յայտնի է մի շարք տարբերակներով: Դրանք հիմնականում տարբերակում են հիմնական յորինուածքի քանակով ու մատուցման ձեւով, ինչպէս նաեւ գորգի գեղազարդման համակարգը լրացնող մանրամասներով: Մասնագիտական շրջանակներում յայտնի է ԽԱՃՈՐԵԱԿ անունով եւ ունի վիշապի ոճաւորման ու պատկերազրման առանձնատկութիւններով բնորոշուող մի քանի տարբերակ⁵⁷: Ի դէպ, տիպի ԽԱՃՈՐԵԱԿ անուանումը կապուած է Գորիսին մերձակայ, գորգա-

գործութեամբ դեռեւս միջնադարից յայտնի համանուն գիւղի հետ⁵⁸:

բ. ԳԵՏԱՂՆԵ: Բնորոշուած է երկայնաձիգ, զիգզագ երկու գունաժապաւէնով կազմուած շեղանկիւնաձեւ կամ բազմանիստ շրջանակներում պատկերուած գծայնացուած ու ոճաւորուած ութ վիշապապատկերով ու դրանց հետ մի ամբողջութիւն կազմող բուսածաղկային նախշերով (նկ. 7): Կենտրոնում լինում է զարդորի շուրջ բոլորն էլ զոյգ առ զոյգ՝ մէկ մէկու դիմահայեաց պատկերում են վիշապի ոճաւորումները⁵⁹: Որոշ գորգագործական կենտրոններում, մասնաւորապէս՝ Գետաշէնում ու մերձակայ գորգագործական կենտրոններում գորգադաշտի անկիւններում պատկերում է մէկական թամբած ձի:

Գորգերի այս տիպը յատուկ է Արցախի, Սիւնիքի, Գուգարքի, Վասպուրականի հիւսիսարեւելեան գաւառների գորգագործական կենտրոններին: Յատկապէս հանրայայտ են գորգագործութեան ճանաչուած կենտրոն Արցախի Զրաբերդ գաւառի Գետաշէն գիւղում գործուած նմոյշները, որն էլ թոյլ է տալիս մեզ տիպը անուանակոչել գորգագործութեան դարաւոր աւանդոյթներով յայտնի հայկական այդ գիւղի անունով:

գ. ՎԱՅՔ: Գեղազարդման հիմնական տարրը բազմանիստ շրջանակի շուրջ ամփոփուած վիշապի պարզունակ՝ «Տ»-աձեւ ութ ոճաւորումներն են (նկ. 8): Դրանք իրարից տարանջատուած են շրջանակից սկզբնաւորուող հաւասարաչափ, զարդանախշուած գունաժապաւէններով: Շրջանակի կենտրոնում սովորաբար լինում է խաչազարդ: Վիշապի ոճաւորումները այս տիպի գորգերի գեղազարդման համակարգում հնամենի են ու յարում են պատկերազրման ժայռապատկերային ոճին, յիշեցնում են դասական վիշապա-

գորգերին բնորոշ վիշապապատկերներ եւ սերտորէն աղերսւում են «Խնձորեակ» տիպի գորգերին ու, ըստ երեւոյթին, ունեն աւելի վաղ ծագում: Այս տիպը բնորոշ է Սիւնիքի, Արցախի, ինչպէս նաեւ Վասպուրականի հիւսիսային գորգագործական կենտրոններին: Մեր հետազոտութիւնների արդիւնքում պարզել ենք, որ այս տիպի գորգերի հնամենի նմոյշները, որոնք առանձնանում են Գուգարեան գորգերին բնորոշ, այսպէս կոչուած, ձկան ողնաշար յիշեցնող պատկերով ծածկուած գունաժապաւէնով, յայտնի են Վայքի գորգագործական կենտրոններից⁶⁰: Նշենք, որ հէնց այդ հանգամանքով էլ պայմանաւորուած է «Վայք» տերմինի կիրարկման առաջարկը:

Վիշապակարպետներ: Վիշապագորգերի առնչութեամբ հարկ ենք համարում անդրադառնալ նաեւ հայոց բնորոշ կարպետների մի տիպի, որոնց գեղազարդման համակարգում հիմնականը վիշապի ոճաւորումներն են: Վիշապապատկերներն այս դէպքում աւելի շատ են նմանում դասական վիշապագորգերում եղածներին: Այս առումով ուշագրաւ նմոյշ է Նիւ-Եորքի «Մետրոպոլ» թանգարանում պահուող ժէ. դ. վերաբերող վիշապակարպետը⁶¹: Դրանք երկայնաձիգ են, նմանում են 5 թուանշանի գծային ձեւերին, ունենում են պոչ ու եղջիւրներ (նկ. 9): Այդպիսով, դրանք առասպելական վիշապի ոճաւորումներ են: Այս տիպի կարպետները մասնագիտական գրականութեան ու առեւտրական շրջանակներում յայտնի են զիլէ, վերնի, օձակարպետ եւ այլ անուանումներով, բայց, նկատի ունենալով հիմնական յորինուածքի բնոյթը, գիտական շրջանաւորութեան ենք ներդնում վիշապակարպետ անուանումը: Սրանց գեղազարդման համակարգում վիշապապատկերները մատուցում են եր-

կայնակի շարքերով: Յայտնի են երեքից-չորս շարքով գեղազարդուած այս տիպի կարպետներ: Սրանք բնորոշում են նաեւ կատարման բարդութեամբ ու աշխատատարութեամբ: Ըստ որում, զիլէ ու վերնի անուանումներն առնչուած են գործելու տեխնիկայի հետ: Այս տիպի կարպետների տարածման արէալների թւում յիշատակում են Արցախը, Վասպուրականը, Ղուբա-Դերբենտը⁶²: Արշակ Ալպոյաճեանն իր ուսումնասիրութիւններում նշում է Ժէ.-ԺԸ. դդ. Փոքր Ասիայի Զիլէ քաղաքում ու դրա շրջակայքում այդպիսի կարպետներ գործելը⁶³: Այդ քաղաքը գտնւում է պատմական Փոքր Հայքում: Ըստ Ա. Ալպոյաճեանի՝ սոյն կարպետների զիլէ անուանումն առնչուած է հէնց Զիլէ քաղաքի անուանը: Ուսումնասիրողը միաժամանակ նշում է, որ տարածաշրջանում ԺԶ.-ԺԸ. դդ. ընթացքում բնակութիւն էին հաստատել Արցախից եւ Սիւնիքից գաղթած հազարաւոր հայ ընտանիքներ, որոնց նախկին ծննդավայրերի անուանումները յստակօրէն արձանագրուած են տեղի եւ շրջակայ բնակավայրերի գերեզմանոցների տապանաքարերին: Յաւելենք, որ Արցախում, Ուտիքում եւ Սիւնիքում գործել են նաեւ նշուած կարպետների գեղազարդման համակարգը կրկնող գորգեր⁶⁴:

Վերը շարադրուածներից ակնյայտ է դառնում, որ վիշապագորգերի հետագայ տարբերակների տարածման արէալների թւում հիմնականները Արցախն ու Սիւնիքն են ու դրանց յարակից տարածքները՝ Գարդմանը, Տաւուշը, Լոռին: Առկայ ուսումնասիրութիւններում յիշատակում ու մեր հետազոտութիւններով հաստատուած է, որ վիշապագորգերի բոլոր ուշ տիպերն ու դրանց տարբերակները յայտնի են միայն Արցախի ու Սիւնիքի գորգագործական կենտրոններում: Ընդ ո-

րուժ, հարկ է յիշեցնել, որ դրանք յիշատակում են նաեւ որպէս դասական վիշապագորգերի ստեղծման կենտրոններ:

Ինչո՞վ է պայմանաւորուած աւանդոյթների պահպանման այս բացառիկ երեւոյթը: Չէ՞ որ խօսքն այստեղ վերաբերում է մի քանի հազարամեակներ տեւած պատմա-մշակութային գործընթացներին:

Ըստ էութեան այս հարցին պատասխանում է ակադեմիկոս Նիկողայոս Մառը՝ իր երկարամեայ ուսումնասիրութիւնների արդիւնքում արձանագրելով, որ Արցախը պատմական Հայաստանի այն սակաւաթիւ տարածքներից է, որտեղ այս կամ այն չափով պահպանուեց կիսանկախ ու դրանով պայմանաւորուած նաեւ տնտեսա-մշակութային աւանդոյթների պահպանման ու զարգացման համար անհրաժեշտ համեմատաբար կայուն իրավիճակ⁶⁵: Ըստ այդմ էլ՝ ԺԷ-ԺԹ. դդ. սկզբներում մեկիքական տներին կից դեռեւս կային գորգագործական արհեստանոցներ ու հնարաւորութիւն կար շարունակելու եղած աւանդոյթներն ու այն հարստացնել հետագայ պահանջմունքներին բաւարարող նոր մօտեցումներով: Կարծում ենք, որ, արդէն ԺԹ. դ. սկզբներից էլ սկսած, երբ թուլացան ու աստիճանաբար վերացան մեկիքական երբեմնի հարուստ ու ազդեցիկ տները, հիմնականում դադարեց նաեւ խոշոր չափերի գորգերի, այդ թւում նաեւ՝ վիշապագորգերի արտադրութիւնը: Ասպարէզում մնաց տնայնագործական արտադրութիւնը՝ իր սահմանափակ հնարաւորութիւններով ու արդէն նշուած բոլոր առանձնայատկութիւններով հանդերձ:

Այսպիսով, վերը բերուած աղբիւրների ու տեսակէտերի քննութիւնից հետեւում է, որ վիշապագորգերի աւանդոյթը Արցախի ու Սիւնիքի գորգագործական կենտրոններում ունի վաղ ակունքներ:

Ու թէեւ մեզ չեն հասել վաղ միջնադարին ու դրան նախորդող ժամանակաշրջաններին վերաբերող նմոյշներ, բայց Ժ.ԺԱ. դդ. պատկանող գորգապատկերները վկայում են, որ այդ ասպարէզում կային արդէն հարիւրամեակների ընթացքում ձեւաւորուած որոշակի յօրինուածքներ եւ դրանց մատուցման սկզբունքներ: Մենք այն համոզմունքին ենք, որ այդ տարածաշրջաններում դասական վիշապագորգերի բոլոր ուշ տիպերի առկայութիւնը հէնց այդ աւանդոյթների շարունակութեան տրամաբանական արդիւնքն է հանդիսանում:

Այժմ անդրադառնանք վիշապագորգերի տարածման արէալների խնդրին: Այս առումով կարեւոր են յատկապէս Իրանի հիւսիսարեւմտեան եւ Այսրկովկասի հիւսիսարեւելեան գորգագործական կենտրոնները, որոնք բնորոշում են գորգերի գեղազարդման ոլորտի տեխնիկատեխնոլոգիական որոշակի իւրայատկութիւններով: Դրա հետ միասին ուսումնասիրողները նկատել են նաեւ գորգագործական այդ կենտրոններում տեղ գտած արցախ-սիւնիքեան գորգարուեստին բնորոշ մի շարք աւանդոյթներ, որոնք արտայայտւում են ինչպէս առանձին տիպերի, այնպէս էլ գունային ու յօրինուածքային առանձնայատկութիւնների տեսքով: Ըստ իս՝ այստեղ ի շարս այլ գործօնների էական դեր են ժողովրդագրական տեղաշարժերը:

Ընդհանրապէս վաղ միջնադարից սկսած՝ Արցախն ու Սիւնիքը կարեւոր դեր են խաղացել Այսրկովկասի ռազմաքաղաքական կեանքում: Մասանեան Իրանի եւ Հայաստանի փոխադարձ համաձայնութեամբ կովկասեան լեռնականներից տարածաշրջանը պաշտպանելու պարտականութիւնը դրուել էր Սիւնիքի եւ Արցախի զինական ուժի վրայ: Այդ նպա-

տակով Դերբենտի շրջակայքում ստեղծուել էին ամրացուած շրջաններ, որտեղ ընտանեօք բնակութիւն էին հաստատել հայ զօրականները⁶⁶: Ղուբա-Դերբենտ տարածաշրջանում Թ.-ԺԴ. դդ. վերաբերող մշակութային, պաշտամունքային կառոյցները, գիւղատեղիներն ու գերեզմանոցները վկայում են հայոց ստուարութիւ լինելու եւ մշակութային բուռն գործունէութեամբ զբաղուելու հանգամանքը⁶⁷: Հարիւրամեակների ընթացքում սերտ կապ պահպանելով Արցախ-Սիւնիքի հետ՝ վերաբնակիչները տեղում շարունակել են զարգացնել ազգային մշակոյթը եւ, այն տեղայնացնելով, զգալիօրէն ներազդել նաեւ տեղական էթնիկական միաւորների մշակութային համակարգին: Մեծաթիւ հայերի ակտիւ գործունէութեամբ է պայմանաւորուել Ժ.-ԺԱ. դդ. այդ տարածաշրջանում Դերբենտի Հայոց թագաւորութեան առկայութիւնը՝ Դերբենտ մայրաքաղաքով, որի մասին յիշատակել են այդ դարաշրջանի մատենագիրները, իսկ Մատթէոս Ուռհայեցին, իբրեւ ակնատես, նշել է նաեւ այդ քաղաքում հայոց հոգեւոր առաջնորդարան լինելու փաստը⁶⁸:

Այնուհանդերձ, արաբական նուաճումների ընթացքում Հայաստանի եւ արեւելեան Կովկասի քաղաքական ու էթնիկական վիճակը նկատելիօրէն փոխուել էր: Այն առաւել կտրուկ փոփոխութիւնների էր ենթարկուել ԺԱ.-ԺԲ. դդ. յետոյ, երբ սելջուկների եւ ապա մոնղոլ-թաթարական ու թուրքմենական ցեղերի արշաւանքներից յետոյ Հայաստանում, ըստ այդմ՝ նաեւ Սիւնիք-Արցախում, հիմնաւորուել են բազմաթիւ քոչուոր ցեղեր, որոնց համար այն վերածուել է արօտատեղիների, մշտական թաւանի, աւարաւորութիւնների յարմար տարածաշրջանի: Այդ ամէնը դարձաւ հիւսիսարեւելեան

Այսրկովկասում ապրող հայերի զանգուածային արտագաղթերի եւ կրօնափոխութեան պատճառ, որոնց մի զգալի մասը ԺԸ. դ. վերջին եւ ԺԹ. դ. սկզբին տեղափոխուել է հիւսիսային Կովկաս, մասամբ էլ՝ մահադականացել⁶⁹: Ընդ որում, այդ տարածաշրջանի գորգագործական կենտրոններում արմատացած գորգերի ու կարպետների տիպերի ու դրանց գեղազարդման համակարգում, կատարման տեխնիկա-տեխնոլոգիական չափանիշերում արցախեան աւանդոյթների առկայութեան առումով, ի շարս վերն արդէն նշուած պատճառներով, մեծ դեր են ունեցել մահադականութիւն ընդունած եւ ազգային լեզուն կորցրած հայերը: Նրանք, ինչպէս ամէնուր, այնպէս էլ այդ տարածաշրջանում եւս շարունակում էին պահպանել ու զարգացնել իրենց նախնիներին բնորոշ զբաղմունքներն ու սովորոյթները⁷⁰:

Սակայն այդքանից յետոյ էլ տարածաշրջանում շարունակուել է Կուտկաշէնի հայկական մեկիքութեան գոյութիւնը (Շաքիի մերձակայքում)⁷¹, եւ տեղի հայերն էլ պահպանել են սիւնիք-արցախեան աւանդոյթները՝ խօսել են նոյն բարբառով, կրել նոյն տարազատեսակները, ունեցել նոյն մշակութային յատկանիշերն առհասարակ⁷²:

Արցախից ու Սիւնիքից տարբեր դարաշրջաններում զանգուածային տեղաշարժերի արդիւնքում այդ երկու նահանգներից տեղափոխուած հայերից կազմուած գաղթօջախներ են ձեւաւորուել նաեւ Ատրպատականում ու յարակից գաւառներում եւ Փոքր Ասիայի արեւմտեան մասերում: Այս մասին վկայում են լեզուա-բարբառային, տարազի ու սովորոյթների ուսումնասիրման արդիւնքները⁷³: Անտարակոյս, դրա վկայութիւնն է նաեւ արցախ-սիւնիքեան գորգագործա-

կան աւանդոյթները, այդ թւում՝ գորգերի բազմաթիւ տիպերի, գեղազարդման մանրամասների տարածման փաստը վերը նշուած տարածաշրջանների գորգագործական կենտրոններում: Մինչդեռ յայտնի է, որ այդ տարածաշրջաններից Արցախ եւ Սիւնիք երբեւէ չի եղել որեւէ նկատելի տեղաշարժ, իսկ 1828-30 թթ. Ատրպատականից ու շրջակայ գաւառներից կատարուած յայտնի ներգաղթը խնդրոյ առարկային, փաստօրէն, չի վերաբերում:

Այդպիսով, հետեւելով վերը ներկայացուածների տրամաբանութեանը՝ կարող ենք նշել, որ Արցախն ու Սիւնիքը հանդիսանում են վիշապագորգերի ծագման առաւել հաւանական տարածաշրջանները:

Այսքանով արդէն կարելի էր աւարտել սոյն ուսումնասիրութիւնը, բայց յայտնի է, որ որոշ հետազոտողների համար այնքան էլ յստակ չէ այդ տարածաշրջանի էթնիկական կազմը: Որոշ ուսումնասիրողներ, կարծելով, թէ դա մահադականներով բնակեցուած տարածք է, ակամայ խեղաթիւրում են վիշապագորգերի էթնիկական պատկանելիութեան հարցը⁷⁴:

Այդ նկատառումով հարկ ենք համարում ստորեւ համառօտակի անդրադառնալ նաեւ այդ հարցերին:

Արցախը Մեծ Հայքի նահանգներից էր եւ Ուտիքի ու Սիւնիքի հետ կազմում էր դրա հիւսիսարեւելեան մասը: Պատմաաշխարհագրական ու էթնիկական նոյնութիւնը հիմք է նաեւ մշակութային համակարգի ընդհանրութեան համար, որ արտայայտուած է լեզուա-բարբառային, տնտեսաձեւերի վարման, բնակավայրաբնակարանային, զգեստ-զարդարանքի եւ այլ համալիրներում:

Տարածաշրջանը պատմական Հայաստանի մշակութային կենտրոններից

էր: Դ. Գ. սկզբներից Հայաստանում քրիստոնէութիւնը պետական կրօն ընդունելուց անմիջապէս յետոյ Արցախում, որպէս հոգեւոր ու մշակութային կենտրոն, գործում էր Ամարասի նշանաւոր վանքը, հետագայում՝ Գանձասարի վանքը:

Ե. Գ. սկզբներից տարածաշրջանում իրենց գործունէութիւնն էին ծաւալել հայերէն գրերի ստեղծող Մեսրոպ Մաշտոցն ու իր աշակերտները: Այդ ամէնի շնորհիւ այստեղ ձեւաւորուած են գրչութեան ու մշակոյթի այլ բնագաւառների կենտրոններ, որոնց թւում, Գանձասարից բացի, նշանաւոր էին Թարգմանչաց վանքը, Դադիվանքը, Սիւնիքում շուրջ երկու դար գործած Գլաձորի եւ Տաթեւի համալսարանները, իշխանական խոշոր տներին եւ վանական համալիրներին կից արհեստանոց-գործատները, որտեղ ի թիւս այլ արհեստների զբաղւում էին նաեւ գորգագործութեամբ: Պատմիչների վկայութեամբ՝ արդէն Զ.-է. դդ. կարեւորում էին տեղի գունագեղ գորգերն ու կարպետները⁷⁵: Իշխանական տներին կից արհեստանոցներից մասնաւորապէս յիշատակուած է Հաթերքի (Արցախ) Վախթանգի իշխանական տան մասին: Նշուած է, որ իշխանի կին Արզուխաթունը Գանձասարի, Դադիվանքի, Գոշավանքի եւ Թարգմանչաց վանքի համար ԺԳ. դ. գործել է գորգ-վարագոյրներ⁷⁶:

Հետագայում էլ իրավիճակը համեմատաբար կայուն է եղել ամբողջովին հայաբնակ Արցախում եւ Սիւնիքում: Չնայած ռազմա-քաղաքական ծանր պայմաններին, մինչեւ ԺԸ. դ. վերջը եւ ԺԹ. դ. սկզբները իրենց գոյութիւնն են շարունակել Արցախի կիսանկախ հինգ մելիքութիւններն ու զսպել տարածաշրջանում հաստատուելու քոչուորների բոլոր փորձերը⁷⁷:

Այս ամէնը, կարծում ենք, որոշակի

պատկերացում են տալիս Արցախի էթնիկական նկարագրի մասին: Ուստի անհասկանալի է, թէ ի՞նչ հիմնաւորումներով են որոշ ուսումնասիրողներ, մասնաւորապէս՝ «Թաւրիզեան հիպոթեզի» հեղինակները գրում, որ՝ «Ղարաբաղի տարածքը հիմնականում բնակեցուած էր քոչուորներով»⁷⁸:

Ռուսաստանին միանալուց յետոյ թէեւ Արցախը վերաբաժանուած է չորս գաւառի՝ կազմելով Ելիզաւետպոլի նահանգի մի մասը, այնուամենայնիւ, հայերի տեսակարար կշիռը տարածաշրջանում յայտնուած միւս էթնիկական միաւորների նկատմամբ մնում է գերակշիռ: Նահանգի ամենախոշոր Ելիզաւետպոլ գաւառում 1885 թ., մարդահամարի համաձայն, հայերը կազմում էին բնակչութեան 35 տոկոսը, մահադականները՝ 54 տոկոս: Մահադականների 69 գիւղից 42-ը պատկանում էր քոչուոր ցեղերին, 5-ը՝ կիսաքոչուորներին⁷⁹:

1895 թ. վիճակագրութեան տուեալներով՝ Շուշիի գաւառի բնակչութեան 58 տոկոսը կազմել են հայերը⁸⁰: Նոյն ժամանակ Շուշի քաղաքի բնակչութեան կէսից աւելին նոյնպէս հայեր են եղել⁸¹: Ինչ վերաբերում է մահադական ցեղերին, ապա յայտնի է, որ նրանք էթնիկ առումով միատարր չեն եղել: Տարածաշրջան մուտք գործած թափառական կենսաձեւ վարող աւշարների, կարափափայնների, թարաքեամանների, ջեւանշիրների եւ այլօրինակ այլ ցեղերի հետ մահադական բնակչութեան վերը նշուած տոկոսը լրացնում էին պարսիկները, քրդական, ինչպէս նաեւ կովկասեան ծագում ունեցող մի շարք այլ ցեղեր: Ընդհանուր առմամբ, այս էր տարածաշրջանի ժողովրդագրութեան պատկերը եւ չենք կարծում, որ այն մատնանշում է Արցախը հիմնականում քոչուորներով բնակեցուած

լինելը: Փաստօրէն, Արցախում եւ շրջակայ գորգագործական կենտրոններում պատմա-մշակութային աւանդոյթներ ունեցող ժողովուրդների թւում բնիկ ու դրա հետ միասին էլ տոկոսային յարաբերութեան առումով գերակշիռ էին հայերը, որոնք, ինչպէս վերը տեսանք, դարեր շարունակ ներգործել են նաեւ հիւսիսարեւմտեան Այսրկովկասի մշակութային աւանդոյթների ձեւաւորմանը եւ հետագայ զարգացմանը: Այսպիսով, ոչ միայն որեւէ հիմք չկայ Արցախի գորգագործական մշակոյթի ձեւաւորման ու հետագայ զարգացման գործում վաչկատուն ցեղերին նախապատուութիւն տալու համար, այլեւ ակնյայտ է, որ Արցախից ու Սիւնիքից հայոց գորգագործական մշակոյթի աւանդոյթները տարածուել են էթնիկական այլ հանրոյթների շրջանում:

Արցախի էթնիկական նկարագրին անդրադառնալուց մենք մանրամասն փորձել ենք ներկայացնել յատկապէս բնակչութեան կենսաձեւին վերաբերող տուեալները: Մենք այս պարագայում կարեւորում ենք այդ հանգամանքը, քանի որ ակնյայտ է գորգագործութեամբ զբաղուելու եւ այդպիսի տնտեսաձեւ վարելու անյարիրութիւնը: Տարուայ մեծագոյն մասը լինելով ճանապարհներին կամ սարերում՝ նրանք ժամանակ, հնարաւորութիւն եւ անգամ կարիք չունէին զբաղուելու այլ, օգտակար զբաղմունքներով, քանի որ իրենց հիմնական զբաղմունքը աւարառութիւնն էր: Ազրբեջանցի գիտնական Վ. Ն. Լեւիաթովն, օրինակ, համարում է, որ «նրանք քոչի ճանապարհին զբաղւում էին թալանով եւ իսկական աղէտ էին նստակեաց բնակչութեան համար»⁸²: Այդպիսին էին նաեւ թարաքեամանները, որոնք ձմեռում էին «Կուր գետի մերձակայ տափարակներում, Շամքորի, Շամշադինի շրջաններում»⁸³:

Նոյն զբաղմունքին էր Թարթառ (Տրտոռ) գետի նախալեռնային հոսանքներում (ներկայիս՝ Մարտակերտի շրջան) բնակուող քրդական Քոլանի ցեղը, որն ապրում էր գետնափոր հիւղակներում եւ բացարձակապէս ծանօթ չէր ո՛չ երկրագործութեանը, ո՛չ էլ արհեստներին⁸⁴:

Այդպիսին էր քոչուոր կամ կիսաքոչուոր տնտեսաձեւ վարող ցեղերի զարգացման մակարդակը, եւ, ըստ հուշեան, այն բնորոշ էր նաեւ Արցախ եւ դրա մերձակայք թափանցած վաչկատուն միւս ցեղերին էլ: Այս պայմաններում, անշուշտ, լուրջ չեն կարող հնչել ուսումնասիրողների կարծիքները «քոչուորական» գորգագործութեան կարեւորութեան մասին առհասարակ, եւ մասնաւորապէս՝ վերոյիշեալ Վ. Ն. Լեւիաթովի պնդումները, ըստ որի՝ ԺԸ. դ. Ղարաբաղը առաւելապէս յայտնի էր քոչուորական արտադրանքով՝ գորգերով եւ կարպետներով⁸⁵:

Այս եւ միւս ուսումնասիրողների նմանօրինակ եզրայանգումները հիմնադուրկ են դառնում իրենց իսկ բերած վերոնշեալ տուեալներով: Իսկ թէ, այնուամենայնիւ, քոչուորական տնտեսաձեւն ինչքանով էր նպաստաւոր գորգագործութեամբ զբաղուելու համար, իր երգերից մէկում, որի մասին մեզ տեղեկացնում է Լեւիաթով Քերիմովը, ասում է ԺԸ. դ. ապրած աշուղ Վազիֆը՝ Շուշիի Փանահ խանի վեզիրը.

«Եթէ գեղջկուհու իրանը նուրբ է ջնարակի նման,
Նա արծաճի է ոչ թէ հանայի (գորգագործի հաստոց - Ա. Պ.), այլ՝ հիմայի:
Քոչուորն անտուն է, հանգրուան չունի,
Մի՞թէ կարող է նա դրան յարմարուի...»⁸⁶:

Աւելացնենք, որ, Յ. Զեդեգենիձէի վկայութեամբ, Շուշիի մահմեդականների

պատկերացումներով գորգագործի հաստոցը «չար սատանայի յօրինած յարմարանք է»⁸⁷:

Այս ամէնը վերաբերում է համեմատաբար ուշ ժամանակաշրջաններին, իսկ ինչպիսի՞ն էր իրավիճակը մինչ այդ:

Սոյն ուսումնասիրութեան նախորդ էջերում գորգագործութեան բարձր մակարդակը Հայաստանում ներկայացնելու համար բազմիցս դիմել ենք Թ.-Ժ. Գ. դ. արաբական աղբիւրներին: Դրանցում յիշատակութիւններ կան նաեւ միջինասիական ժողովուրդների զբաղմունքների, մասնաւորապէս՝ նաեւ ոստայանկութեան մասին: Սակայն արտադրանքի թւում նշում են հիմնականում կտորատեսակներ՝ հագուստի, վրանի, փուռներ եւ յատկապէս՝ թաղիք⁸⁸: Այս վերջինս առաւելապէս բնորոշ էր թուրքերին⁸⁹: Գորգեր գործում էին միայն Խորեզում եւ Մերուում⁹⁰: Մեզ յայտնի չեն այդ գորգերի գեղազարդման մանրամասներն ու տեխնիկա-տեխնոլոգիական յատկանիշները, բայց աղբիւրներում յիշատակում է, որ նախընտրելի էին հայկական գորգերը, որոնք այլ գորգերի թւում առանձնացում էին հէնց «հայկական անունով»⁹¹:

Այսպիսի պարագաներում անհասկանալի է «քոչուորական գորգագործութիւն» հասկացողութիւնը եւ մանաւանդ՝ դրա դերը Հայաստանում եւ յարակից գորգագործական կենտրոններում, որտեղ այդ զբաղմունքը, ինչպէս տեսանք, յայտնի էր շատ աւելի վաղ ժամանակներից: Այսուհանդերձ, մենք նպատակ չունենք բացարձակապէս ժխտելու քոչուոր կամ կիսաքոչուոր մահմեդական ցեղերի ոստայանկութեամբ զբաղուելը թէկուզ այն պատճառով, որ նրանց աղքատիկ կենցաղում անհրաժեշտ էին նաեւ պարզունակ գործուածքներ, եւ, ունենա-

լով անհրաժեշտ հումք, ձմեռային ամիսներին հնարաւորութիւն ունէին զբաղուելու նաեւ ոստայանկութեամբ: Օրինակ՝ յայտնի է, որ Արցախի ու շրջակայքի քոչուորներն ու կիսաքոչուորները XIX դ. գործում էին կարպետներ եւ վրանի ծածկոցներ⁹²: Այդ մասին յայտնող հայ գրող Բաֆֆին միաժամանակ, որպէս ակնատես, գրում է, որ Ղազախի, Շամշադինի թաթար (այժմ՝ ադրբեջանցի) տղամարդիկ արհեստով չեն զբաղում, բայց նրանց կանայք խուզում են ոչխարների բուրդը, թել են մանում, կարպետներ գործում: Դրանք թէեւ նուրբ չեն, բայց շատ դիմացկուն են⁹³:

Հետաքրքիր են նաեւ Ելիզաւետպոլի գաւառի գիւղացիների տնտեսական կենցաղը ուսումնասիրող Ի. Ա. Աբէլովի դիտարկումները, ըստ որոնց՝ գաւառում գորգագործութեամբ զբաղում էին բացառապէս կանայք եւ առաւել որակեալ գորգեր գործում էին գաւառի արեւելեան մասում⁹⁴: Իսկ, ինչպէս յայտնի է, արեւելեան մասն ընդգրկում էր ժամանակակից Արցախի Մարտակերտի շրջանին յարակից Շահումեանի շրջանը, Գետաշէն, Բանանց գիւղերն ու ամբողջովին Հայաստանի մերձակայ տարածքները (պատմական Գարդման), որոնք, որպէս հայկական գորգագործութեան կենտրոն, 1920-1930-ական թթ. առանձնացրել էր նաեւ կովկասեան գորգերի յայտնի մասնագէտ Մ. Իսաբեւը⁹⁵:

Այսպիսով, եղած տուեալները վկայում են, որ ինչպէս Արցախում, այնպէս էլ պատմական Հայաստանի միւս գորգագործական տարածաշրջաններում այդ արհեստը համարուել է հայոց աւանդական եւ կարեւոր զբաղմունքը: Ըստ այդմ՝ դրանք առանցքային նշանակութիւն ունեն նաեւ վիշապագորգերի ծագումնաբանութեան ու տարածման

շրջանների բացայայտման առումով:

Այդ ամէնի հետ առնչուող բազմաբնոյթ եւ տարբեր ժամանակաշրջաններին վերաբերող աղբիւրների համադրութեամբ է ահա, որ հնարաւոր է դառնում որեւէ տարածաշրջանում գորգագործութեան եւ գորգերի այս կամ այն խմբի ծագելու եւ տարածուելու հարցի հիմնաւորումը:

Վերոյիշեալ փաստարկների առկայութեամբ անհիմն ենք համարում հայոց վիշապագորգերին «արեւելեան», «սելջուկեան», «չին-մոնղոլական» ծագում վերագրելու կարծիքները, ինչպէս նաեւ «քոչուորական գորգագործութիւն» հասկացութիւնը եւ մանաւանդ՝ դրա դերն ու նշանակութիւնը հայոց գորգագործութեան պատմութեան ասպարէզում:

ԾԱՆՕԹԱԳՐՈՒԹԻՒՆՆԵՐ

- 1 Վ. Թեմուրեան, Գորգագործութիւնը Հայաստանում. Երեւան, 1955, էջ 98:
- 2 Վ. Թեմուրեան, Գամիքի հայերը (պատմագագարական ուսումնասիրութիւն) - Հայագագարութիւն եւ բանահիւսութիւն, Նիւթեր եւ ուսումնասիրութիւններ, Երեւան, 1979, էջ 46 (յետայսու՝ Վ. Թեմուրեան, Գամիքի հայերը):
- 3 Եգիպէ Կողբացի, Եղծ աղանդոց (թարգմանութիւնը, Անթուրիանը եւ ծանօթագրութիւնները՝ Ա. Ա. Արքախանյանի), Երեւան, 1970, էջ 80:
- 4 Կանոնք Յովհաննէս Մանգակունցի հայոց կաթողիկոսի, Կանոնագիրք հայոց, ձեռագրերի համեմատութեամբ խմբագրեց՝ Արսէն Ղլտեանը, Թիֆլիս, 1913, էջ 84:
- 5 Պատմութիւն Շապհոյ Բագրատունւոյ, ի լոյս ածին Գ. Տէր-Մկրտչեան եւ Մեսրոպ Եպիսկոպոս, Էջմիածին, 1921, էջ 84: Այս մասին մանրամասն տե՛ս Մ. Աբեղեան, «Վիշապներ» կոչուած կոթողները՝ իբրեւ Աստղիկ-Դերկետոյ դիցուհու արձաններ, Երեւան, 1941, էջ 43-47:
- 6 Միսիթարայ Այրիվանցեցոյ Պատմութիւն Հայոց, Մոսկուա, 1860, էջ 54:
- 7 Գամիքում այդպիսի գօտիները յայտնի էին «չրեր» անունով. տե՛ս Վ. Թեմուրեան, Գամիքի հայերը, էջ 46:
- 8 E. Korkhmasian, I. Drampian, Gr. Akopian. La miniature Arménienne 13-14 siècle, Leningrad, 1984. Աշ. աշխ., տախտակ 9:

9 Գ. Չուգասզեան, *Գրիգոր Ծաղկող*, Երևան, 1987, էջ 116:

10 Անդ, էջ 7:

11 Գ. Յովսէփեան, *Իզնաստիոս մանրանկարիչ եւ Շոողկանց տոհմը*... Նիւթեր եւ ուսումնասիրութիւններ հայ արուեստի պատմութեան (կազմեց. առաջաբանը գրեց եւ ծանօթագրեց Մ. Ղազարեանը), Երկեր, հտ. Ա, Երևան, 1983, էջ 250-252 (յետայսու՝ Գ. Յովսէփեան):

12 Անդ, պատկեր 48:

13 И. Р. Драмбян., Э. М. Корхмазян, *Художественные сокровища Матенадарана*, Москва, 1976, պատկեր 105, էջ 88-89:

14 Տե՛ս Н. Я. Марр, Я. Смирнов, *Вишاپы*, Л., 1931; Б. Б. Пиотровский, *Вишاپы-каменные статуи в горах Армении*, Л., 1939; Մ. Աբեղեան, *Արա Գեղեցիկի պաշտամունքը*, Երևան, 1946, էջ 111-113:

15 С. А. Есаян, *Древняя культура племен северо-восточной Армении III-I тыс. до н.э.*, Ереван, 1976, ст. 117, 147, 208-210.

16 Т. С. Хачатрян, *Древняя культура Ширака*, Ереван, 1975, ст. 264; Անդը՝ *Артикский некрополь*, Ереван, 1979, ст. 146:

17 Т. С. Хачатрян, *Древняя культура Ширака*, ст. 201-202; А. С. Верховская, *Արա Գեղեցիկի պաշտամունքի մի քանի արտայայտութիւններ հայկական զարդարուեստում*.- Աշխատութիւններ Հայաստանի Պատմութեան պետական թանգարանի, հտ. VII, Երևան, 1981, էջ 72-75:

19 Որպէս դասական վիշապագորգի տիպիկ մնույն տե՛ս Fridrich Sarre and Hermann Trenkvald, *Oriental carpet Designs in Full Colour*, New York, 1979, պատկեր 29:

20 V. Gantzhorn, *Արա Գեղեցիկի պաշտամունքի մի քանի արտայայտութիւններ հայկական զարդարուեստում*.- Աշխատութիւններ Հայաստանի Պատմութեան պետական թանգարանի, հտ. VII, Երևան, 1981, էջ 72-75:

21 Տե՛ս ՀԱՊԹ, գործուածքի ֆոնդ, զ/հ 7013: Այս գորգը 1987 թ. Հայաստանի Ազգագրութեան թանգարանին է նուիրել ֆրանսահայ բարեգործ, գորգահասարակական Գեորգ Բաքրճեանը:

22 Այս մասին տե՛ս Ա. Պողոսեան, *Հայաստանում գորգագործութեան ծագման հարցի շուրջ*, ՊԲՀ, թիւ 2, 2001, Երևան, էջ 241-241:

23 Ստեփանոս Տարօնցի Ասողիկ, *Տեղեկական պատմութիւն* (թարգմանութիւնը, առաջաբանը եւ ծանօթագրութիւնները՝ Վ. Վարդանեանի), Երևան, 2001 էջ 316:

24 Կիրակոս Գանձակեցի, *Պատմութիւն Հայոց*, աշխատասիրութեամբ՝ Կ. Մելիք-Օհանջանեանի, Երևան, 1961, էջ 215-216:

25 Յ. Մանանդեան, *Բնական տեսութիւն հայ ժողովրդի պատմութեան*, հտ. Բ, մասն Ա, Երևան, 1957, էջ 402:

26 Թեոփանէս Խոստովանող, *Ժամանակագրութիւն*... Օտար աղբիւրները Հայաստանի եւ հայերի մասին, հտ. 13, Բիզանդական աղբիւրներ. Դ (թարգմանութիւնը բնագրից, առաջաբանն ու ծանօթագրութիւնները՝ Հ. Բարթիկեանի), Երևան, 1983, էջ 180. *Хила-ас Саби, Установление и обычаи двора халифов* (перевод с арабского И. Михайлова), 1983, ст. 26; Михаил Пселл, *Хронография* (перевод статьи и примечание Л. Ю. Любарского), 1978, ст. 87; Лев Диакон, *История* (перевод М. М. Копыленко), М., 1988, ст. 77; М. Я. Сюзумов, *Ремесло и торговля в Константинополе*.- Византийский Временник, 4, 1951, ст. 22-28.

27 Ե. Լալայեան, *Գանձակի գաւառ (նիւթեր ապագայ ուսումնասիրութեան համար)*, Երկեր, հտ. 2, Երևան, 1988, էջ 249:

28 Այդ առումով յատկանշական է, որ նույնիսկ Լիւդովիկոս ԺԴ. թագաւորը 1671 թ. պարսից շահին ի թիւս այլ նուիրների, յարմար է գտել ուղարկել նաեւ 82 կտուտիչ՝ գորգագործի գործիք. տե՛ս Մ. Կ. Չուլալեան, *Հայ ժողովրդի պատմութեան հարցերը՝ ըստ եւրոպացի հեղինակների. XIII-XVIII դդ.*, գիրք Ա, Բաղարքական պատմութիւն, Երևան, 1990, էջ 309:

29 Ա. Պողոսեան, *Հայաստանում գորգագործութեան ծագման հարցի շուրջ*, ՊԲՀ, 2001, թիւ 3, էջ 242:

30 V. Gantzhorn, *Արա Գեղեցիկի պաշտամունքի մի քանի արտայայտութիւններ հայկական զարդարուեստում*.- Աշխատութիւններ Հայաստանի Պատմութեան պետական թանգարանի, հտ. VII, Երևան, 1981, էջ 72-75:

31 Rudolf Neugebauer und Julius Orendi, *Handbuch der Orientalischen Teppichkunde*, Leipzig, 1909, p. 89.

32 K. Erdman, *Der Orientalische Knuppteppiche*, p. 45-46; S. Yetcin, *Արա Գեղեցիկի պաշտամունքի մի քանի արտայայտութիւններ հայկական զարդարուեստում*.- Աշխատութիւններ Հայաստանի Պատմութեան պետական թանգարանի, հտ. VII, Երևան, 1981, էջ 72-75:

33 Wertime T Yohn, Wright E Richard, *The Tabris Hypothesis, the Dragon and Related Carpets*, London, 1990, p. 45-48 (յետայսու՝ Wertime T Yohn, Wright E Richard):

34 Մասնագէտների ուշադրութեանն ենք ներկայացնում այն փաստը, որ Թուրքիայի թանգարաններում պահուող վիշապագորգերը, ըստ էութեան՝ հիմնականում հաւաքուել են Վասպուրականի ու Բարձր Հայքի գորգագործական կենտրոններից (տե՛ս Ա. Սազգեան, *Հայկական գորգերը ԺԵ-Էն ԺԹ դարերը*, «Անահիտ», 1932,

թիւ 5-6, էջ 116) եւ Դեր Էլ-Չոր բունագաղթուած հայերի կայանատեղերից ու կոտորածների վայրերից: Մասնատարապէս՝ միայն Ճարարլուս փոքր բնակավայրից էֆկաֆի թանգարանում է յայտնուել մօտ քսան վիշապագորգ (տե՛ս S. Yetcin, *Արա Գեղեցիկի պաշտամունքի մի քանի արտայայտութիւններ հայ մանրանկարների վկայութեամբ*, հե՛նց Սիրիայի ու Թուրքիայի ներկայիս սահմանագծում ընկած այդ բնակավայրում էլ կատարուել էր գաղթականների վերջին կողոպուտը (տե՛ս Չ. Եսայեան, *Ժողովրդի մը հոգեվարքը*, «Գործ», Բաքու, 1917, թիւ 2):

35 Տե՛ս, օրինակ, Rudolf Neugebauer und Julius Orendi, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

36 Այս մասին տե՛ս Ա. Պողոսեան, *Հայաստանում գորգագործութեան ծագման հարցի շուրջ*, ՊԲՀ, 2001, թիւ 3, էջ 236-238:

37 Այս մասին տե՛ս Ա. Պողոսեան, *Գորգապատկերները միջնադարեան հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

38 Т. Измайлова, *Армянская миниатюра XI века*, М., 1979, ст. 108, 110; S. Yetcin, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

39 E. Korkhmasian, I. Drampian, Gr. Akopian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

40 Հայոց հաւատալիքներում վիշապի պաշտամունքի մասին տե՛ս Մ. Աբեղեան, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

41 Տե՛ս, օրինակ, որպէս տիպիկ մնույն՝ M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

42 M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

43 Joseph V. McMullan, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

44 Ա. Պողոսեան, *Գորգապատկերները միջնադարեան հայ մանրանկարներում*, էջ 39:

45 M. Ejland, *Oriental Rugs*, New York, 1976, էջ 188:

46 Անդ, էջ 350:

47 Սարգիս արքեպս. Չալալեանց, *Ժամանակագրութիւն ի մեծն Հայաստան* (աշխատասիրութեամբ՝ տեառն Սարգիս Սանահնեցոյ Չալալեանց թեմակալ Արքեպիսկոպոսի հայոց

Վրաստանի, Իմերեթի եւ այլն), մասն Բ. Տիֆլիս, 1858, էջ 202, 258, 331:

48 M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

49 Այս տիպի գորգեր տե՛ս M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

50 Л. Керимов, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

51 M. Ejland, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

52 M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

53 Անդ, էջ 45, 46. M. Ejland, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

54 V. Gantzhorn, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

55 M. Ejland, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

56 M. Chazarian, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

57 Der Manuelian Lusi and Murray Ejland, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

58 Աբրահամ Կրեւտացի, *Պատմութիւն*, Երևան, 1973, էջ 153:

59 Այս տիպի XVIII դ. թուագրուած մի մնույն տե՛ս Rudolf Neugebauer und Julius Orendi, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

60 Այս առիթով տե՛ս Gregorian T. Arthur, *Gregorian Joyce Hampshire, Armenian Rugs from Gregorian Collection*, Copyright, 1987, p. 171. պատկերում այս տիպի հայատառ արձանագրութեամբ 1889 թ. գործուած գորգը, որը վերագրուած է Ղարաղաղին:

61 Joseph V. McMullan, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

62 Ա. Դարեան, *Հայկական կարպետ*, էջ 48-50:

63 Ա. Ալպոյանեան, *Պատմութիւն Եւրոպայի հայոց*, Կահիրէ, 1952, էջ 578:

64 Տե՛ս ՀԱՊԹ, գործ. ֆոնդ, թիւ 5370:

65 Н. Я. Марр, *Кавказский культурный мир и Армения*, Петроград, 1919, ст. 44.

66 Ս. Բարխուդարեան, *Դերբենտի հայ-աղուանական թագաւորութիւնը*, ՊԲՀ, Երևան, 1969, նո. 3, էջ 139-141:

67 Անդ, էջ 141-143. տե՛ս նաեւ Н Караулов, *Сведение арабских письменных источников о Кавказе Армении и Азербайджане*... Сборник материалов для изучения племен и народов Кавказа, вып. 29, Тифлис, 1901, ст. 97, 107 (յետայսու՝ СМОМПК); В. Н. Левиатов, *Очерки из истории Азербайджана в XVIII веке*, Баку, 1948, ст. 72: Ս. Բարխուդարեան, *Արա Գեղեցիկի պաշտամունքի մի քանի արտայայտութիւններ հայ մանրանկարներում. 11-13-րդ դդ.*... Հանրապետական գիտական նստաշրջան՝ նուիրում 1982-1983 թթ. ազգագրական եւ բանահիւսակական դաշտային հետազոտութիւնների հանրագումարին (գեկուցումների հիմնադրոյթներ), Երևան, 1984, էջ 38-40:

68 Տե՛ս *Армяно-русские отношения в XVIII веке*.- Сборник документов, т. II, ч. II,

Ереван, 1967, ст. 230-235; Մակար Բարխուդարեանց. *Աղուանից աշխարհ եւ դրացիք*. Թիֆլիս. 1898. էջ 143:

69 **А. А. Бабаев**, *Ковры Шеки-Закатальской и Кахи-Белоканской зон.* Международный симпозиум по искусству восточных ковров, тезисы, Баку, 1983, ст. 36.

70 **В. В. Левиатов**, 68-71.

71 Մակար Բարխուդարեանց. Գ2. աշխ.. էջ 296, Տէր-Գասպարեան Բաղդասար Շուշեցի, *Ծաղկաբաղ աշխարհագրոյ*, «Բանբեր Մատենադարանի», Երեւան, 1969, 9, էջ 292-294:

72 Մասնատրապետ՝ 1880-ական թթ. Այսրկովկասի հիւսիսարեւելեան գաւառներում Մակար Բարխուդարեանի կատարած տեղագրական հետազոտութիւններից պարզուել է, որ միայն արցախեան գորգագործութեան նշանատրկենտրոն Ճարտար գիտից ԺԷ-ԺԸ. դդ. արտագաղթածները բնակութիւն են հաստատել Այսրկովկասի հիւսիսարեւելեան Շամախու ու մերձակալքի եօթ գիւղում՝ Արփատու, Ղարա-Քարքանջ, Կուրճեվան, Գանձակ, Քեշխուրդ, Քեպլեանդ, Վանքաշէն (Մակար Բարխուդարեանց, *Աղուանից աշխարհ եւ դրացիք*. Արցախ, Երեւան, 1999, էջ 89-90, 97, 104, 107): Հեղինակի հաւաքած տունակներից պարզուել է, որ այդ տարածքներում միայն Արցախի վարանդա գաւառից վերաբնակուել են տասներօթ գիւղի հարիրատր ընտանիքներ: Նա նշում է նաեւ, որ Այսրկովկասի հիւսիսարեւելեան, այդ թում՝ Դերբենտում ու մերձակալքում ապրող հայերն ու Արցախի հայերը խօսում են միեւնոյն բարբառով ու կրում են միեւնոյն տարազը (անդ, էջ 150): Խնդրոյ առարկայ հարցերի ուսումնասիրման ասպարեզում կարեւոր են նրա հաւաքած այն տունակները, ըստ որոնց պարզուել է, որ միայն Շաքիի ու Շամախու գաւառներում ԺԷ-ԺԸ. դդ. ամբողջութեամբ դաւանափոխ են եղել աւելի քան երեսունհինգ հայկական խոշոր գիւղերի բնակիչներ (անդ, էջ 147-148): Շաքիի գաւառում բնակուող հայերի մասին, որպէս ականատես, տեղագիր Սարգիս արքեպիսկոպոս Ջալալեանցը, 1820-30-ական թթ. հաւաքած տունակների հիմամբ, նշում է, որ՝ «Նրանք տունք երեք հազար են, գաղթեալք յԱրցախու, բնութեամբ մարդասէր են ու բարեպաշտ» (Սարգիս արքեպ. Ջալալեանց, Գ2. աշխ., էջ 368): ԺԹ. դ. կատարուած լեզուա-բարբառային եւ տարագի մանրամասների ուսումնասիրութիւնները բացայայտել են Փոքր Ասիայի արեւմտեան մի շարք գաւառներում (Սպարտայ, Բուրդուր եւ այլն) ապրող հայերի արցախ-սիւնիքեան ակունքները, որոնք ընդհուպ ցեղասպանութիւնը պահպանել էին նախկին աւանդութիւնը (տե՛ս, օրինակ, Ն. Ա. Մկրտչեան, *Բուրդուրի բարբառի ձեւաբանութիւնը*, «Լրաբեր հասարակական գիտութիւնների». Երեւան,

1966, թիւ 1, էջ 49): Սոյն հանգամանքը հաշուի առնելով էլ պատահական չենք համարում այդ տարածաշրջաններին բնորոշ գորգերի գեղագարդման համակարգի ակնյայտ նմանութիւնը սիւնիք-արցախեան գորգարուեստին:

73 **Vohn T. Wertime and Richard Wright**. Գ2. աշխ.. էջ 36:

74 Մովսէս Կաղանկատուացի, էջ 166:

75 **Կիրակոս Գանձակեցի**, *Պատմութիւն Հայոց*, Երեւան, 1940, էջ 215:

76 *Грамоты и другие исторические документы XVIII столетия, относящиеся к Грузии с 1768-1774 гг.*, т. I, под редакцией А. А. Цагарели, Тифлис, 1891, ст. 434.

77 **Vohn T. Wertime and Richard Wright**. Գ2. աշխ., էջ 36:

78 **Н. А. Абелов**, *Исследование экономического быта государственных крестьян Елизаветпольского уезда Елизаветпольской губернии*, Тифлис, 1887, ст. 12; *История Азербайджана*, т. II, под редакцией Н. А. Гусейнова, А. С. Сумбатзаде и др., Баку, 1960, ст. 26, 59-60.

79 **Ե. Լալայեան**, *Վարանդա*, Երկեր, հտ. 2, Երեւան, 1988, էջ 49:

80 **Я. Зедгенидзе**, *Город Шуша. Производство ковров и паласов.*- СМОМПК, вып. XI, 1891, ст. 1.

81 **В. Н. Левиатов**, Գ2. աշխ., էջ 40:

82 **Բաֆֆի**, *Երկու ամիս Աղուանից եւ Սիւնեաց աշխարհներում.*- Երկերի ժողովածոյ, հտ. 9, Երեւան, 1987, էջ 236:

83 Անդ, էջ 275. տե՛ս նաեւ Լ.Եօ, *Իմ յիշատակարանը.*- Երկերի ժողովածոյ, հտ. 8, Երեւան, 1985, էջ 131-132:

84 **В. Н. Левиатов**, Գ2. աշխ., էջ 55:

85 **Л. Керимов**, Գ2. աշխ., հտ. 3, էջ 121:

86 **Я. Зедгенидзе**, Գ2. աշխ., էջ 47-48:

87 *Материалы по истории туркмен и Туркмении*, т. I, Арабские источники, ст. 128, 135, 146, 150, 174, 202 и тд.

88 Նշ. աշխ.. էջ 202:

89 Նշ. աշխ., էջ 135, 146:

90 Նշ. աշխ., էջ 238. **А. Мец**, Գ2. աշխ., էջ 360-380:

91 **Բաֆֆի**, *Ճանապարհորդութիւն Թիֆլիսից մինչեւ Ազովիս.*- Երկերի ժողովածոյ, հտ. 9, Երեւան, 1987, էջ 176:

92 Անդ, էջ 175:

93 **И. А. Абелов**, Գ2. աշխ., էջ 97:

94 **М. Исаев**, *Ковровое производство Закавказья*, Тифлис, 1932, ст. 123.

О ВОПРОСЕ ПРОИСХОЖДЕНИЯ И АРИАЛОВ ВИШАПОГОРГАХ


Ашхундж Погосян

О результате анализа различных источников. автор заключает, что наиболее вероятными регионами происхождения вишапагоргов были крупнейшие центры ковроткачества исторической Армении Арцах и Сюник. Автор обосновывает свое предположение, исходя из анализа традиций орнаментального оформления классических и более поздних вариантов вишапагоргов /"Джраберт", "Гуар", "Хидзореск", "Сисакан" и другие/, а также сопоставления бордюров и отдельных композиций классических вишапагоргов с бордюрами армянских миниатюр 11-13-ых вв., созданных в скрипториях Ширака, Лори, Утика и Арцаха. Тем самым обосновывается не только наличие местной традиции, но и ее приблизительный возраст и ареалы распространения.


THE VISHAPAGORG CARPETS

Ashkhunj Poghosyan


The author makes his contribution to the discussion on the origin of the vishapagorgs (dragon carpets) - carpets with stylized dragon figures. It is supposed that the most probable regions of the vishapagorg origin could be Artsakh and Syunik, the important carpet-weaving centres of historical Armenia. To base this supposition, the author analyzes the traditional ornamental designing of classical and more recent vishapagorg carpets, as well as compares the borders and some compositions of classical vishapagorgs with the borders of Armenian miniatures created in the Shirak, Lori, Utik and Artsakh scriptoria in 11th-13th centuries. As a result, an existence of a local tradition, as well as its approximate age and areas of dissemination are grounded.




գլ.1




գլ.2




գլ.3




գլ.4




գլ.5




գլ.6



գլ.7



գլ.8



գլ.9